

Broj: 06-03-1297-13/73/12
Mostar, 10.04.2013. godine

Na osnovu člana 14., člana 29., člana 33. i člana 70. Zakona o električnoj energiji („Službene novine Federacije BiH“ broj 41/02, 24/05, 38/05, 83/11), člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 13/04), člana 31. stav (2), člana 37. stav (4) i člana 47. Poslovnika o radu Regulatorne komisije za električnu energiju u Federaciji Bosne i Hercegovine („Službene novine Federacije BiH“ broj 59/04), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12) i člana 17. Pravilnika za izdavanje dozvola – licenci („Službene novine Federacije BiH“ broj 29/05), postupajući po Zahtjevu za obnovu dozvole za rad-licence za djelatnost proizvodnja električne energije broj 06-03-1297/73/12 od 10.12.2012. godine podnosioca HIDROELEKTRANA BUK d.o.o. Široki Brijeg, Regulatorna komisija za električnu energiju u Federaciji Bosne i Hercegovine – FERK je dana 10.04.2013. godine na VII redovnoj sjednici donijela sljedeće

R J E Š E N J E

1. Izdaje se Dozvola za rad-licenca za obavljanje elektroprivredne djelatnosti proizvodnja električne energije podnosiocu zahtjeva HIDROELEKTRANA BUK d.o.o. Široki Brijeg.
2. Dozvola za rad-licenca izdaje se na period od 01.06.2013. godine do 31.05.2023. godine, sa uslovima dozvole koji čine njen sastavni dio.
3. Utvrđuje se HIDROELEKTRANA BUK d.o.o. Široki Brijeg status kvalifikovanog proizvođača na generatoru broj 1 (prvo postrojenje do ulaznih vrata) u objektu mHE „Buk“.
4. Sastavni dio ovog rješenja čini dozvola iz tački 1. i 2. ovog rješenja.
5. Imalac dozvole je obavezan plaćati regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
6. Ovo rješenje je konačno i stupa na snagu danom donošenja, te se objavljuje na oglasnoj tabli i web stranici FERK-a, a dispozitiv ovog rješenja u „Službenim novinama Federacije BiH“.

O b r a z l o ž e n j e

FERK je 10.12.2012. godine primio od podnosioca HIDROELEKTRANA BUK d.o.o. Široki Brijeg Zahtjev za obnovu dozvole za rad-licence za djelatnost proizvodnja električne energije pod brojem 06-03-1297/73/12.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 19. Pravilnika za izdavanje dozvola - licenci. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva Obavještenje o nedostacima podnesenog Zahtjeva za obnovu dozvole za rad-licence za djelatnost proizvodnja električne energije broj 06-03-1297-01/73/12 od 21.12.2012. godine, te mu odredio rok radi otklanjanja u obavještenju naznačenih nedostataka i upozorio ga na posljedicu popuštanja.

Postupajući po obavještenju, podnosilac zahtjeva je dostavio 04.01.2013. godine dopis primljen u FERK pod brojem 06-03-1297-02/73/12, uz koji je dostavio traženu dokumentaciju, kao i obrazloženja vezano za istu. U cilju cjelovitog upotpunjavanja dostavljene dokumentacije, FERK je podnosiocu zahtjeva 18.01.2013. godine dostavio Zahtjev za informacijama broj 06-03-1297-03/73/12 povodom kojeg je podnosilac zahtjeva FERK-u dostavio 24.01.2013. godine dopis primljen pod brojem 06-03-1297-04/73/12 uz koje je dostavio dio tražene dokumentacije i obrazloženja uz istu. U vezi dostavljene dokumentacije i obrazloženja, FERK je podnosiocu zahtjeva uputio 31.01.2013. godine pod brojem 06-03-1297-05/73/12 novi Zahtjev za informacijama, a sve u skladu sa članom 12. Pravilnika za izdavanje dozvola-licenci i članom 13. Pravilnika o javnim raspravama i rješavanju zahtjeva, sporova i žalbi. Postupajući u skladu sa ovim Zahtjevom za informacijama, podnosilac zahtjeva je 11.02.2013. godine u FERK dostavio dopis primljen pod brojem 06-03-1297-06/73/12 uz koji je dostavio detaljna obrazloženja sa dokumentacijom vezanom za ista, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o podnesenom zahtjevu.

Postupajući u skladu sa članom 11. Pravilnika za izdavanje dozvola-licenci, FERK je 26.02.2013. godine u „Večernjem listu“, kao i na svojoj web stranici objavio Obavještenje za javnost o podnesenom Zahtjevu za obnovu dozvole za rad-licence za djelatnost proizvodnja električne energije podnosioca zahtjeva HIDROELEKTRANA BUK d.o.o. Široki Brijeg. Povodom Obavještenja za javnost FERK do roka naznačenog u obavještenju odnosno do 05.03.2013. godine nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješaća.

Uzimajući u obzir navedeno, kao i podnesene dokaze i činjenice uz zahtjev, FERK je u skladu sa članom 55. Pravilnika o javnim raspravama i rješavanju zahtjeva, sporova i žalbi, obavijestio podnosioca zahtjeva o svojoj namjeri provođenja postupka izdavanja dozvole bez održavanja formalne rasprave, putem Obavještenja broj 06-03-1297-08/73/12 od 06.03.2013. godine i kojom mu je data mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do naznačenog roka. Podnosilac zahtjeva nije u FERK dostavio nove činjenice u vezi s predmetom postupka, niti je uputio svoje komentare.

Na osnovu provedenog postupka, tokom kojeg je izvršena pažljiva analiza svih činjenica i podnijetih dokaza na osnovu kojih se moglo utvrditi stanje stvari, FERK je u skladu sa članom 16. stav (1) Pravilnika za izdavanje dozvola – licenci pripremio Nacrt dozvole za rad-licence za djelatnost proizvodnja električne energije po Zahtjevu broj 06-03-1297/73/12 od 10.12.2012. godine, podnosioca HIDROELEKTRANA BUK d.o.o. Široki Brijeg. Na osnovu člana 79. stav (2) Zakona o električnoj energiji, FERK je Odlukom broj 06-03-1297-09/73/12 od 14.03.2013. godine usvojio Nacrt dozvole za rad-licence za djelatnost proizvodnja električne energije, dok je Odlukom FERK-a broj 06-03-1297-10/73/12 od 14.03.2013. godine ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole za rad-licence za djelatnost proizvodnja električne energije, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za rad-licence za djelatnost proizvodnja električne energije mogu dati na opštoj raspravi koja je održana u Mostaru, 22.03.2013. godine u 13:00 sati, u prostorijama FERK-a, a pisani komentari su se mogli dostaviti na adresu FERK-a ili na elektronsku adresu od 15.03.2013. do 25.03.2013. godine do 12:00 sati.

Opštoj raspravi o Nacrtu dozvole za rad-licence za djelatnost proizvodnja električne energije, prisustvovao je predstavnik podnosioca zahtjeva. Predstavnik podnosilac zahtjeva je istakao da nema nikakvih primjedbi na predloženi tekst nacrta i da HIDROELEKTRANA BUK d.o.o. Široki Brijeg može ispuniti sve uslove naznačene u istom.

Do ostavljenog roka za dostavu pisanih komentara, odnosno do 25.03.2013. godine do 10:00 sati, u FERK nisu primljeni pisani komentari na Nacrt dozvole za rad-licence za djelatnost proizvodnja električne energije.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, a na osnovu održane opšte rasprave, voditelj postupka pripremio je pisani izvještaj koji je sadržavao kratak pregled toka rasprave, zapisnik sa opšte rasprave, komentare, analizu datih komentara i preporuke, te je iste uputio podnosiocu zahtjeva na komentare 02.04.2013. godine pod brojem 06-03-1297-11/73/12.

Podnosilac zahtjeva je povodom navedenog FERK-u dostavio 08.04.2013. godine dopis primljen u FERK pod brojem 06-03-1297-12/73/12, u kojem je naveo da prihvata Izvještaj voditelja postupka opšte rasprave.

Izvještaj voditelja postupka sa komentarima podnosioca zahtjeva dostavljen je članovima FERK-a dana 02.04.2013. godine pod internim brojem 06-08-838/13, na razmatranje radi donošenja odluke.

Na osnovu obrade Zahtjeva za izdavanje dozvole za rad-licence za djelatnost proizvodnja električne energije podnosioca HIDROELEKTRANA BUK d.o.o. Široki Brijeg i dokumentacije priložene uz zahtjev, utvrđeno je da podnosilac zahtjeva ispunjava i uslove za sticanje statusa kvalifikovanog proizvođača postavljene Zakonom o električnoj energiji. Na osnovu navedenog, kao i analize postupka opšte rasprave, odnosno izvještaja voditelja postupka i komentara podnositelja zahtjeva na izvještaj voditelja postupka, u dozvoli koja je predmet ovog rješenja podnosiocu zahtjeva postavljeni su, u skladu sa članom 22. Pravilnika za izdavanje dozvola – licenci, propisani uslovi. Spomenuti uslovi uvažavaju potrebu, ali i obavezu HIDROELEKTRANA BUK d.o.o. Široki Brijeg, da u rokovima propisanim u uslovima dozvole za rad-licenca za obavljanje elektroprivredne djelatnosti proizvodnja električne energije iste ispuni, u cilju zadovoljenja opštih i posebnih kriterija propisanih Zakonom o električnoj energiji i bliže propisanih članom 21. Pravilnika za izdavanje dozvola-licenci FERK-a.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić s.r.